

Antara sebab yang membolehkan seseorang isteri mendapatkan tebus talak daripada suaminya ialah:

- isteri tidak tahan lagi tinggal dengan suaminya kerana suami berperangai jahat;
- suami menyakiti hatinya menyebabkan isteri telah kehilangan kasih sayang terhadap suami;
- kerana sebab-sebab lain yang membuat mereka tidak dapat bercampur atau bergaul dengan aman dan harmoni.

Mahkamah mempunyai budi bicara untuk meluluskan permohonan perceraian *khuluk* walaupun pihak suami tidak memberi persetujuan sekiranya mahkamah berpendapat bahawa suami isteri tersebut tidak dapat hidup bersama dengan damai dan selaras dengan kewajipan mereka.

9 Apakah kesan pertukaran agama terhadap perkahwinan?

Pertukaran agama oleh salah satu pasangan perkahwinan akan menyebabkan perkahwinan tersebut terbubar dengan pengesahan mahkamah. Walau bagaimanapun, kedudukan suami isteri adalah seperti yang berikut:

- Sekiranya salah satu pasangan menjadi murtad, perkahwinannya akan terbubar setelah disahkan oleh mahkamah;
- Sekiranya isteri atau suami telah memeluk Islam dan pasangannya telah turut memeluk Islam dalam tempoh idah perkahwinan mereka mengikut hukum syarak, maka status perkahwinan mereka dikenakan iaitu mereka tidak perlu kepada akad nikah baharu.

10 Apakah yang dimaksudkan dengan idah?

Iddah bermaksud masa menanti yang diwajibkan ke atas isteri yang dicerai oleh suaminya. Tujuannya adalah untuk menentukan sama ada isteri itu hamil atau tidak dan dengan itu dapat diketahui nasab anak yang dikandung itu.

11 Apakah tempoh idah dalam perceraian?

- Tiada idah bagi isteri yang belum disetubuh oleh suaminya (janda berhias);
- Iddah bagi isteri yang hamil sama ada cerai hidup atau cerai mati, adalah sehingga dia melahirkan anak yang dikandungnya itu.
- Iddah isteri yang dicerai hidup, dan masih mempunyai haid ialah tiga (3) kali suci.
- Iddah isteri yang dicerai hidup dan tidak mempunyai haid pula ialah tiga (3) bulan hijriah.

Terdapat iga (3) keadaan seseorang perempuan itu tidak mempunyai haid, iaitu:

- yang masih kecil atau belum baligh;
- yang sudah baligh tetapi belum pernah datang haid; dan
- yang sudah pernah datang haid tetapi sudah tua atau putus haidnya.

12 Bolehkah Jabatan Bantuan Guaman (JBG) memberi bantuan dalam kes permohonan perceraian?

Boleh. Pemohon yang ingin mendapatkan khidmat JBG perlu mengemukakan butiran dan dokumen seperti berikut:

- Butir-butir perkahwinan
 - Surat Perakuan Nikah yang diiktiraf undang-undang/Surat Perakuan Rujuk
- Butir-butir pihak kena tuntut
 - Nama, alamat dan pekerjaan suami/isteri
 - Nama dan alamat majikan suami/isteri
- Dokumen sokongan
 - Penyata gaji atau pendapatan suami
 - Dokumen lain yang berkaitan

Jabatan Bantuan Guaman Wilayah Persekutuan Kuala Lumpur
No.Telefon : 03-26942700 | No.Faks: 03-26940040

Jabatan Bantuan Guaman Kelantan
No.Telefon: 09-7482548 | No.Faks: 09-7472615

Jabatan Bantuan Guaman Cawangan Gua Musang
No.Telefon: 09-9123688 | No.Faks: 09-9126988

Jabatan Bantuan Guaman Selangor
No.Telefon : 03-55106192/ 03-55106298 | No.Faks: 03-26940040

Jabatan Bantuan Guaman Perak
No.Telefon: 05-2544027/ 05-2552240 | No.Faks: 05-2556007

Jabatan Bantuan Guaman Cawangan Raub
No.Telefon: 09-3553677 | No.Faks: 09-3557494

Jabatan Bantuan Guaman Negeri Sembilan
No.Telefon : 06-7630457 | No.Faks: 06-7610380

Jabatan Bantuan Guaman Pulau Pinang
No.Telefon: 04-2109100/ 04-2109108 | No.Faks: 04-2287966

Jabatan Bantuan Guaman Cawangan Taiping
No.Telefon: 09-3553677 | No.Faks: 09-3557494

Jabatan Bantuan Guaman Melaka
No.Telefon : 06-2345277 | No.Faks : 06-2345280

Jabatan Bantuan Guaman Kedah
No.Telefon: 04-7001553 | No.Faks: 04-7327452

Jabatan Bantuan Guaman Cawangan W.P Labuan
No.Telefon: 087-412242 | No.Faks: 087-411531

Jabatan Bantuan Guaman Johor
No.Telefon: 07-2234960/ 07-2237073 | No.Faks: 07-2345280

Jabatan Bantuan Guaman Perlis
No.Telefon: 04-9767739 | No.Faks: 04-9767790

Jabatan Bantuan Guaman Cawangan Miri
No.Telefon: 085-423606 | No.Faks: 085-425204

Jabatan Bantuan Guaman Pahang
No.Telefon: 09-5161135/ 09-5162639 | No.Faks: 09-3557494

Jabatan Bantuan Guaman Sabah
No.Telefon: 088-488434 | No.Faks: 088-488096

Jabatan Bantuan Guaman Cawangan Sibu
No.Telefon: 084-343978 | No.Faks: 084-346978

Jabatan Bantuan Guaman Terengganu
No.Telefon: 09-6203240/41/42/43 | No.Faks: 09-6203250

Jabatan Bantuan Guaman Sarawak
No.Telefon: 082-258 | No.Faks: 088-488096

Jabatan Bantuan Guaman Cawangan Muar
No.Telefon: 06-9522410 | No.Faks: 06-9528153

Jabatan Bantuan Guaman Cawangan Langkawi
No.Telefon: 04-9698180/ 04-9698183 | No.Faks: 04-9698181



Jabatan Bantuan Guaman

PERCERAIAN ORANG BERAGAMA ISLAM



**IBU PEJABAT:
JABATAN BANTUAN GUAMAN**
ARAS 1, BANGUNAN HAL EHWAH
UNDANG-UNDANG, PRESINT 3,
PUSAT PENTADBIRAN KERJAAN
PERSEKUTUAN, 62692 PUTRAJAYA



NO. TELEFON:
03-88851827 (Sivil) | 03-88851826 (Syariah)
NO. FAKSIMILE: 03-88851829/ 1830/ 1831
PORTAL: www.jbg.gov.my

CATATAN:
RISALAH INI IALAH SUATU PENERANGAN RINGKAS UNTUK
PENGETAHUAN ORANG RAMAI SAHAJA. IA BUKAN NASIHAT
UNDANG-UNDANG YANG LENGKAP DAN TERPERINCI.

www.jbg.gov.my
[jabatanbantuanguaman](https://www.facebook.com/jabatanbantuanguaman)

1 Apakah maksud perceraian?

Perceraian dalam Bahasa Arab bermaksud tindakan melepaskan atau menguraikan ikatan.

Contohnya: Menggunakan lafaz seperti cerai, talak atau pisah.

2 Berapakah jenis lafaz perceraian?

Lafaz perceraian boleh dibahagikan kepada dua (2) jenis:

- (a) dalam bentuk jelas (*soreh*);
- (b) dalam bentuk tidak jelas atau sindiran (*kinayah*).

3 Apakah yang dimaksudkan dengan lafaz *soreh*?

Lafaz *soreh* ialah lafaz yang menggunakan ucapan yang jelas dan tegas dengan maksud menunjukkan makna perceraian.

Contoh lafaz *soreh*:

- (a) "Aku talakkan engkau";
- (b) "Aku ceraikan engkau dengan talak 1".

Lafaz secara *soreh* ini tidak memerlukan niat suami yang melafazkan lafaz talak tersebut.

4 Apakah yang dimaksudkan dengan lafaz *kinayah*?

Lafaz *kinayah* ialah suatu lafaz yang boleh bererti talak dan boleh pula membawa erti yang lain. Lafaz itu haruslah dilihat hubungannya dengan suasana sebelum dan sesudahnya serta tanda-tanda (*garinah*) yang mempertegas erti yang dimaksudkan dan juga niat pihak suami.

Contoh lafaz *kinayah*:

- (a) "Baliklah kamu kepada ibu bapa kamu";
- (b) "Saya tak hendak kepada kamu lagi";
- (c) "Mulai hari ini berpisahlah kita berdua".

Kesan perkataan-perkataan atau lafaz-lafaz seperti di atas bergantung kepada niat suami yang melafazkannya itu. Jika dia berniat menceraikan isterinya, terjadilah perceraian. Sebaliknya, jika tidak berniat menceraikan isterinya, lafaz tersebut tidak mengakibatkan berlakunya perceraian.

5 Selain dua (2) jenis lafaz perceraian di atas, bolehkah perceraian berlaku?

Perceraian juga boleh berlaku melalui aplikasi *whatsapp*, *facebook*, *twitter* dan lain-lain. Ianya juga dikira sebagai satu bentuk lafaz secara *kinayah*.

6 Siapakah yang boleh menentukan berlaku atau tidak berlakunya sesuatu perceraian?

Hanya Mahkamah Syariah boleh menentukan secara rasmi dan muktamad sama ada sesuatu lafaz yang diucapkan oleh suami kepada isterinya itu, sama ada dengan menggunakan perkataan jelas (*soreh*) atau sindiran (*kinayah*), telah mengakibatkan atau membawa kesan perceraian.

7 Apakah tindakan yang perlu diambil bagi pasangan suami isteri yang bercerai di luar mahkamah?

Pasangan suami isteri yang bercerai di luar mahkamah hendaklah mengambil langkah seperti yang berikut:

- (a) Melaporkan perceraian tersebut dengan kadar segera kepada Mahkamah Syariah di tempat mereka tinggal/bermastonutin;
- (b) Mendapatkan pengesahan perceraian tersebut daripada Mahkamah Syariah;
- (c) Mendaftarkan perceraian tersebut supaya apa-apa perkara berbangkit daripada perceraian itu dapat diambil tindakan dengan teratur.

8 Apakah jenis-jenis perceraian?

8.1 Perceraian secara talak

Perceraian secara talak bererti seorang suami atau isteri membuat permohonan kepada mahkamah dengan mengisi borang-borang tertentu untuk bercerai.

Borang tersebut perlu diserahkan kepada mahkamah dengan disertai akuan berkanun (surat sumpah) dengan memenuhi perkara yang berikut:

- a. Butir-butir perkahwinan, nama anak, umur anak (hasil daripada perkahwinan);
- b. Perkahwinan itu didaftarkan di bawah Akta/Enakmen Pentadbiran Undang-Undang Keluarga Islam dan salah satu pihak bermastautin dalam Negeri di bawah Enakmen tersebut; Butir-butir mengenai apa-apa perbicaraan terdahulu mengenai hal ehwal suami isteri, jika ada;
- c. Pernyataan mengenai sebab-sebab hendak bercerai;
- e. Pernyataan sama ada langkah-langkah perdamaian telah diambil;
- f. Syarat apa-apa perjanjian berkenaan dengan nafkah, tempat tinggal isteri dan anak-anak hasil daripada perkahwinan, penjagaan anak dan pembahagian apa-apa aset; dan
- g. Butir-butir perintah yang diminta.

Borang ini boleh diperolehi di Mahkamah Syariah di tempat yang berhampiran dengan pasangan suami/isteri tinggal atau bermastonutin.

8.2 Perceraian secara taklik

Maksud cerai taklik ialah lafaz cerai yang dikaitkan dengan suatu syarat yang telah dibuat oleh suami selepas akad nikah disempurnakan. Pada lazimnya, taklik tersebut menyebut antara lain:

- a. Sekiranya suami meninggalkan isteri lebih daripada empat bulan tanpa memberi nafkah zahir atau batin secukupnya; atau
- b. Sekiranya suami memukul atau mendera isteri atau mendatangkan mudarat kepada isterinya.

Isteri yang ditinggalkan atau didera seperti di atas boleh mengadu kepada Mahkamah Syariah di kawasan yang berhampiran dengan tempat tinggalnya dan sekiranya pengaduan itu sabit dan disahkan oleh mahkamah, maka terjadilah perceraian secara taklik.

Perceraian taklik boleh juga berlaku apabila seorang suami melafaz talak dengan sesuatu syarat kepada isteri supaya melakukan atau meninggalkan daripada melakukan sesuatu.

8.3 Perceraian secara fasakh

Perceraian secara fasakh bermaksud pembatalan atau pembubaran perkahwinan antara suami isteri melalui perintah mahkamah. Seseorang suami atau isteri boleh membuat permohonan cerai fasakh kepada mahkamah, antara lain, atas alasan seperti yang berikut:

- a. tempat di mana beradanya suami telah tidak diketahui selama tempoh lebih daripada satu (1) tahun;
- b. suami telah cuai atau telah tidak mengadakan peruntukan bagi nafkahnya selama tempoh tiga (3) bulan;
- c. suami atau isteri telah dihukum penjara selama tempoh tiga (3) tahun atau lebih;
- d. suami atau isteri telah tidak menunaikan, tanpa sebab yang

munasabah, kewajipan perkahwinannya (nafkah batin) selama tempoh satu (1) tahun;

e. suami telah mati pucuk pada masa perkahwinan dan masih lagi sedemikian dan isteri tidak tahu pada masa perkahwinan bahawa suami telah mati pucuk;

f. suami atau isteri telah gila selama tempoh dua (2) tahun atau sedang mengidap penyakit kusta atau vitiligo atau sedang mengidap penyakit kelamin dalam keadaan boleh berjangkit;

g. isteri, setelah dikahwinkan oleh wali mujbirnya sebelum dia mencapai umur baligh, menolak perkahwinan itu sebelum mencapai umur lapan belas (18) tahun, dan dia belum disetubuh oleh suaminya itu;

h. bahawa suami atau isteri menganiayai isteri atau suaminya, iaitu, antara lain:

- i. lazim menyakiti atau menjadikan kehidupannya menderita disebabkan oleh kelakuan aniani; atau
- ii. berkawan dengan perempuan atau lelaki jahat atau hidup berperangai keji mengikut pandangan Hukum Syarak; atau

- iii. cuba memaksa isteri hidup secara lucu; atau
- iv. melupuskan harta isteri atau suami melarang isteri atau suami itu daripada menggunakan haknya di sisi undang-undang terhadap harta itu; atau

- v. menghalang isteri atau suami daripada menunaikan atau menjalankan kewajipan atau amalan agamanya; atau
- vi. jika suami mempunyai isteri lebih daripada seorang, dia tidak melayani isteri yang berkenaan secara adil mengikut kehendak hukum syarak;

- i. bahawa walaupun empat bulan berlalu tetapi isteri masih belum disetubuh oleh kerana suami bersengaja enggan menyetubuhinya;
- j. bahawa isteri tidak memberi keizinan akan perkahwinan itu atau keizinannya tidak sah, sama ada oleh sebab paksaan, kesilapan, ketidak sempurnaan akal, atau hal keadaan lain yang diakui oleh hukum syarak;

- k. bahawa pada masa perkahwinan itu isteri, sungguhpun berkebolehan memberi keizinan yang sah, adalah seorang yang keceluaran mental, sama ada berterusan atau berselangan, dan keceluaran mentalnya adalah daripada suatu jenis atau setakat yang menjadikannya tidak layak untuk berkahwin;

- l. apa-apa alasan lain yang diiktiraf sebagai sah bagi membubarkan perkahwinan atau bagi fasakh di bawah Hukum Syarak.

8.4 Perceraian secara tebus talak (*khuluk*)

Perceraian tebus talak atau *khuluk* ialah suatu perceraian yang diminta oleh isteri daripada suaminya dengan memberi wang atau harta benda lain kepada suaminya.